

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 12 1939

T 3209 / 4678. 81

0014

嘉興府志卷之十四

哈佛大學漢和圖書館珍藏印

知嘉興府事閭陽吳永芳纂修

技藝

史記倉公日者以有裨民用也在昔圖書並列後世
繪事乃稱藝然安道之賦圖君子歎其有益寧非小
道之可觀乎若棘猿楮葉雖鄙事喪志亦別粹一編
附之簡末云

宋

李甲字景元工畫作翎毛生動有奇趣東坡嘗題其画
曰郭恕先後一人

魯之茂號雪村善畫梅竹仕寧宗朝爲郎

趙孟淳字子貞子固弟長于墨竹自號竹所

周堯敏字禹卿號學山畫竹宗文湖州能得其妙

王鼎字德新好寫竹學丁子卿筆意子泰之號竹趣亦

以畫竹稱

元

嚴子成字伯玉大德間京師開御藥局徵不就雪川趙

子昂邁疾邀治之翼日卽瘳子昂作杏林圖併繪孫

思邈像贈之稱藥師

明

吳弘道精醫業每療疾愈則令種竹一竿尋至鉅萬遂

號其地曰竹所洪武初召至京師擢御醫子繼善仕

至黃門給事

盛懋字子昭工繪事稱神品姪著字叔彰得其傳洪武

中供事內府有御製黃叔彰全圖記

嚴貴和字大用紹子成業洪武中授太醫院官時禾中

大疫白郡守捐資施藥全活甚衆

韓履祥精醫切脉斷人生死輒奇中洪武中選爲御醫

裔孫本世其業

嚴樂善永樂間人業醫有弟毒兄賂善使下鳩于藥者

卽擲金大詈曰我姑不發汝惡汝若更求他醫致死
同氣我必訟汝踰年其人感悟來謝

陳以誠字處夢工詩畫尤精于醫永樂間擢太醫院判
胡齋字元海永樂間人受君平術于袁杞山同遊金陵
提點姚一山奇其術以二人薦杞山稱疾不行齋赴
召授欽天監博士上時新作殿命卜之齋曰某年月
日午時當燬上怒囚之以待至期齋服毒有頃殿果
焚上急召齋已死曾孫曷以工画稱

許敬字孟寅父景芳永樂間以醫徵除梁府醫正敬世
其業有聲召入內院英宗患喉風敬進絳雪噙之著

有經驗方三卷

陸麒景泰間衛軍征沙寇以醫療從行將士授醫官裔
孫朝深得其傳

唐宗祚工傳神景泰間從都指揮脫綱征金華賊綱戰
歿祚繪像如生一軍見之皆泣

胡日章景泰間人少學錄命術遇異人授益精作絕句
詩判人一生事無不驗

陳景初工繪事與錢塘戴文進同時得名孫鳳尤善白
描

趙麟素工畫正德間直仁智殿食千戶俸名噪一時

張紀字文正工寫士女衣摺矮髻與唐寅相埒

朱端字克正畫宗馬遠呂紀正德間以工畫直仁智殿
食指揮俸

爰珪字廷肅精醫一婦衽彌月臥不語珪曰此內經所
謂瘖也不藥當自愈又診一人曰此疾不至死然脉
無生理其人逾日忽溺死子二昞曉曉工詩孫贄世
其業

駱驥字子龍精醫術工圖畫筆法在黃癡倪迂間

陳璣字天器善繪初受業于陳景初後見戴文進墨蹟
遂悟成名家其徒湯子英得其傳

俞鎮字伯貞工行草書師李北海

林鏞字叔大正書宗虞永興

張渙字文甫畫師趙千里趙松雪諸家

王立本工畫山水人物粗筆遠意師梁楷子繼宗筆法
精細彷彿盛懋各成一家

張暉能醫子翰繼其業時名藉甚

姚能字懋良精醫理著傷寒心法藥性辨疑諸書

賀臺字憲卿俞瑤字朝美並嘉靖間邑庠生一精于易
課一精于龜卜有神驗

張震號芝田談寵號元谷善醫小兒著名嘉隆間子孫

嘉興府志 卷之四 四
皆世其業

錢同文字養真精岐黃凡乞療者以至之先後爲序不
論富貴貧賤有不能具參附者每出笥中蓄入咀咬
不以告有荷擔者嘔血數升來求治文潛以白金半
錠雜藥中其人以爲誤遺持還之文曰吾安得有金
卽以遺汝其人得金心喜投藥立愈

鮑大才父南湖蘭溪人精醫大才世其業施圭勺神効
不期報

沈雪坡善画梅竹林伯英工花鳥善邑中時稱雙絕

陸金字雲峰華亭人居常湖精醫業子道光字明暘精

幼科一小兒四肢堅不可動光令張蓋覆之遶牀焚

安息沉檀又發沉香屑飲之遂愈世傳陸氏金鏡錄

唐守元字吾春璜溪人贅于陸氏得傳醫業一人痘後

目瞽就醫元曰晚矣當先開一目三年後俱復明

賀岳字汝瞻精醫術著明醫會要診脉家寶諸書

馮煦字暘谷以貢授羅山令精醫江右按院患蠱疾諸
醫難療煦至不數劑而愈一日宴席中忽目一優曰

此不久活矣越宿嘔血死

陳鼎正嘉間人善鼓琴自號琴友遇山水佳勝輒携琴
撫弄音韻冷然後有陸堯化亦善五絃著琴譜百餘

種惜皆失傳

吳悅字三峰精醫術熹宗朝徵爲太醫院使

張觀字觀可工畫山水師馬遠夏圭

錢安字以寧御史春祖精醫授醫學正子雲能傳其業

韓德基字卓甫御醫履祥裔孫精醫決人生死多奇驗

遇貧者雖給貴藥亦不責酬

馮哲字克順精醫子愷孫科世其業

常效先字瀛泉業醫延請者門如市

朱俸字廉夫工篆籀古文及漢唐隸法有所書金剛經

七十二篆

沈華桐鄉人嘉靖丙辰歲隨阮鶚盪平海寇保城有功

授百戶

孫峰字仰山嘉靖間儒士性好義東郊外衆水滙處名

堰兜不通舟楫峰建石梁行人呼爲孫家橋萬曆間

橋圯子朝寵字賓湖克纘前烈傾囊庀材易方梁爲

環洞并借族人捐義田建甘露菴於橋畔子光祖孫

世芳兆昌同膺鄉薦朝寵泣然曰吾父建橋今適週

甲此足徵吾父積善之報矣裔霖鐫兩世字譜行世

沈有禮休寧人爲嘉邑庠生字三五精醫有尊生內外

編一十八卷行世

董仲敬精星曆推步之法授欽天監挈壺正

高騰字九霄精音律得琴中妙旨斲琴練絃時推獨步

楚唐兩府聞其名俱徵聘之

沈甲秀字凝芝庠生工繪花鳥艸蟲博通篆學

蔡孟熙精醫術以醫舉越府良醫

俞恩曄字二酉庠生工書法華亭董思白欲致之曄笑

曰予肯作董氏客耶不赴

曾鯨字波臣閩人居青鎮善寫照時稱化工筆從遊得

名者甚眾孫鎰工繪

王衍之字寧野精岐黃

出其手

郁光始字涵真善醫貧者不責其酬

常星海效先子克承世業子君嗣孫子佩能繼家學皆

善醫

周行字子行工詩尤精画初受業於溟南黃谷後從吳

太常麟徵至京師見宋元墨跡入悟所寫山水絕似

米顛大痴士女似仇十洲時麟徵殉國難行扶櫬歸

本里著生還紀事錄

徐真木字士白書法宗鍾王工篆籀每書一幅人爭購

徐之

徐範真木之姊覺足工書法得古榻數十本刻勵摹畫
十年自鍾王而下無不窺其秘妙名聞吳會人
朱績字君用善醫當事屢旌其門

盛賜祿少習岐黃術賣藥城市貧者施不責償

徐待徵字邃雲得青囊秘授太醫院吏目

石涵玉字啓秦治痘疹奇效劉氏庄患痘者二十人涵

治之曰某勿藥愈某某日死一一不爽一女患痘面

如洒脂涵曰此內潰症也取紙碾于耳畔燃之女驚

痘盡起衆奇問之涵曰內潰以通竅爲主驚則心竅

開痘不內伏矣子楷庠生亦精先業所著有傷寒五

法證治百問新方八法行世

朱鏞字上羽崇禎間人性孝友工詩鼎革後杜門不出

易簣時命取生平著作悉焚之曰我詩祇可自喻不

堪問世也

孫枝良字遇明光祖子遊成均有聲事親盡孝父分俸

餘悉讓于兄若弟子在鎬丙子舉人孫衍舉人任長

山令曾孫霖舉人枝良著三才六藝諸考霖爲疏解

楊九垓字孚九崇禎時諸生鼎革後杜門謝客手鈔二

十一史十三經註疏時諸生陸時杰力夫俞欽奇西

野亦以詩文知名時杰有詩十卷欽奇長于鐵筆工

隸書著有荻雪莊詩

張槎字次騫崇禎時諸生歲殫鬻產賑濟少負才名鼎革後謝舉子業隱居村落工字學

國朝

仲弘道字開一以貢授山東嶧縣令工文章爲桐邑中名宿邑令徐某纂修邑志皆出其手

趙香營字餘邨工詩老不得志往往以詩自娛同時有周福柱字白門何元夔字郅音皆以詩鳴于時與香營相唱和

張渭字子瀾邑諸生少有文譽工詩著懷古詩一卷

沈輝字賓時邑諸生弟耀字宛人並工文耀尤長於書

法

李其范字肅月邑諸生善古詩有梅花百咏藥心三疊

諸子聖 枝庠生俱以博學聞於時

姚之揆字東衡邑諸生奉母以孝聞尤邃于經學

項德新字復初工繪事得荆關法尤善寫生從子聖謨字孔彰亦以畫名家

俞式浩字介皇庠生善詩文有澹堂偶存端居集青豆錄子曾模克承先業有周禮集註行世同時諸生鮑駿聲來馮秉騫二閭並有聲譽

楊惟聰字海石善畫魚人以絹素相乞者拒之以佳茗
餉卽糊墨搖筆如飛至今人皆寶之

張遠字子游無錫人少學畫于冥南黃谷谷携之至鹽
因家焉又學會鯨寫真無不逼肖子淮字德師能傳
其術

沈松年字季申工鐵筆亦著名

胡飛濤點渲花鳥蟲魚時稱仙筆

陸士煒字昭文邑諸生與弟士琰齊名善說春秋有辨
訛一卷子垣墉增並有文名

陸芳嶸字維馨郡庠生工詩髫年撰函風解義著嘉禾
景物詩一卷

張弘棫字俊英庠生能詩兼岐黃術時推保嬰國手

徐令字序仔海鹽人能詩兼工繪事詩格似薛能画品
似唐寅

范汝効字效文秀邑庠生精醫術寓居當湖縣令屢旌
其門

張世顯字寰泉祖父世習幼科顯傳其術應手立效子
文光亦能繼父業

許明字子遠通術數之學尤精堪輿有地理傳心集行
世

張復字復陽羽士居南宮道觀工書画每運箒作大字
束草作山水人物草木各臻其妙

胡正宸字次巖能文工書又精于琢硯

胡吉士字祥甫以醫名

陳恕字子如嘉興人精醫術著有幼科述古子斯皇銘
常世是業

沈信字驚濤好擊劔工艸書鼎革後棄諸生隱居城南

自號曰借園翁子乘字洪緯邑諸生精天文信著借

園詩鈔乘著瓢落稿

陸昌擬字誕先郡學生弟何芳字甫及錢塘學生擬著

易論梅花山庄語錄芳有書學輯聞

鮑濟字汝舟恬雅以畫名杜宗伯臻巡視閩粵海疆延
繪輿圖人咸重之從子蘭字楚來得其傳列素點絢

往往畫中有詩意

沈與炎字覲文郡諸生通字學貧而好施偕弟與照破
產以建宗祠且捐祀田無吝色

談允明字景巖十歲喪父便撫棺悼痛撞壁血流及事

母菽水承歡二十年如一日好讀書尤熟嗜三禮又

嘗研素問精醫理有起死功著醫旨心傳行世

朱又琦字雲暉貢生少失怙恃撫諸幼弟成立鬻產以

建宗祠所居僻野琦倡爲文社人皆工技藝

陶有生字西音庠生能詩詞性好善設粥濟饑養僧收字紙終身不倦

屈弘堅字粹中少有孝行通性理喜聚書多古今秘籍名振雍中著有紉蘭堂遺稿

陸蕙字遜齋諸生少喪偶不再娶子文照亦精舉業

馮瀛秀字青掄丁酉舉人工書法丹青三上公車不第感岱神指示遂絕意進取清介越俗有散僊子稿

馮眺字抒奇善邑貢生善詩著蟬嘶集四香堂詩稿兼工真草書法尤精堪輿深得劉青田奧旨子方春縣

丞第三女適孫慎機盡孝敬修婦職義方之訓居多

孫顯字顯一隱居魏塘古堰村明經善書鄉國推重子

忠孫麒尤敦倫好施齋孫五經孝廉霖爲葺世德祠

姚揆字聖符嘉邑庠生善臨池精繪事年八十猶能作蠅頭小楷并枝葉爪觜如生一時求書画者履滿戶

外

沈肇奇字漢平多才藝敦倫睦族孫趨甲午領鄉薦

釋永徹字環照俗姓吳幼出家于精嚴寺之清隱房偶叅香巖老人於普明遇一僧秘授金針能開一二十

年瞽目性恬淡兼善蘭竹士大夫雅重之其徒孫聽

竹亦工画且能世其術

程象齡字君韜有才技子達續其緒

劉尊光善岐黃術其先世仕醫院隨宋高宗南渡御呼
火藥劉言其用藥之神速也尊光克世其業

常承海爲星海曾孫世傳其術尤精于痘疹著寧嬰錄
能詩有冰壺集承海子維九少年苦志痘症疑難用
藥靈効富室相邀往往辭之貧家一邀卽赴酬之不
受且贈以參連其仁厚如此以積勞早世人人惜之
張墳字夔典明經敦倫重義樂善好施以文詞名世隱
居陶圃課子女俱工吟咏長女張蘭有秀芳居倡隨
諸刻尤稱善邑閩秀云

張崢字如崗明經授學諭工詩字少失怙恃事其伯如
父遇戚族孤寡時周恤

郭煒字炎章國子生善臨池能事後母父沒讓遺產於
弟以一經授五子俱有聲庠序

周德字鳳山嗜讀書性慷慨歲饑設粥濟人全活甚衆
晚年彈心岐黃舉鄉飲賓子若孫俱能文

錢某字懋功早孤善事厥母至老罔間不獲養其父廼
迎其姑養之營葬事士林咸稱有禮

陳雲鴻字觀山樂善好施以岐黃濟人教子可補能循

義方舉鄉飲賓壽九十七

徐勳字靜菴庠生善書法事親孝年七十丁繼母艱哀毀骨立更爲人所難

吳同雲字雲芝能文章詩畫書法復稱三絕鄉闈兩次擬元不遇孫長吉孝友醇謹學殖有年曾孫元偉登癸巳科賢書

宋敦儒字希真汴人天性曠達以詞章擅名南渡寓郡城有讀書堂在天慶觀右

王明清字仲言汝陰人銍之子慶元間寓居嘉興官至朝郎有史才嘗著揮塵錄及玉照新志行于世

李曾伯字長孺覃懷人徙居嘉興官淮西置制使所條奏皆切中時宜罷因賈似道嫉之不竟其用

李鳴復瀘州人寓居嘉興之東門理宗朝拜叅知政事後爲福建安撫使子祠卒於嘉興子公夬公晉皆典

一爲濟州字濟甫宣州人寓居嘉興舉進士第二人理宗

趙孟頫為諫官論奏累數百章時宰主括田議遠近騷然
炳炎痛疏其害而奏復累千言上為動容然未有寢
命炳炎論愈力時宰語人曰渠非攻田事攻我也尋
除太常少卿疏辭去國累除不就改吉安府以右文
殿修撰致仕

趙孟頫號月麓宋宗室其先家黃巖文天祥見之曰宗
廟器也後天祥開闔江東浙西俱辟以行及召赴闕
孟頫留吳中僅五十日宋亡元兵執孟頫欲官之孟
辭以疾遂去吳依親友以居絕口不談宋事游情佛
老號二教遺逸居嘉禾及天祥卒為文祭之慟絕復

甦臨終口占曰王室之懿文山之客持此寸心千古

忠赤端坐而逝所蓄詩文名湖山汗漫集

黃正孫字長儒本慈谿人宗正少卿震之孫宋亡絕意
仕進徙居嘉興之魏塘文行為學者領袖年八十一
終黃潛銘其墓

殷澄字公源華亭人元兵壓境澄猶保聚未下元將楊
掃地命屠其境澄仗劍叩軍門曰民猶水也順則流
逆則激今將軍不廣好生之德顧欲盡勦斯民耶楊
怒欲斬之澄厲聲曰殺一人活千萬人死安足惜辭
氣益壯楊感悟一境獲全丞相伯顏聞而義之授澄

方輿府志 卷之四
軍民總管澄曰大宋之亡我以親故不能死獨不能
逸乎遂避居柳上時嘉興有趙孟僊陶菊隱亦以宋
亡矢節稱秀州三義

元

吳森字君茂汝南人徙居嘉興魏塘鎮爲管軍千戶饒
資好施予嘗捐田二頃建塾延師以教鄉里後進廉
訪使奏森義行表其門閭葬今嘉善縣西北八里有
黃文憲潛墓碑

明

陳世昌字彥博錢塘人力學能文專程試之業丁外艱
奉母寓此依先墓居焉力探古學爲文以韓柳爲宗
至正初由布衣入爲翰林編修遣祀海上植道梗遂
留嘉興授徒養母張士誠據平江屢致不屈洪武初
徵修禮書授太常博士尋以母老辭歸後徵至京而
卒所著有希賢集

孟觀亞聖五十四代孫祖孟忠厚扈宋南渡封信安郡
王賜第姑蘇子孫遂爲吳人國初觀應人才詔授永
寧知縣有治行陞吳府審理副避兵寓於嘉興之清
風涇

徐一夔字大章天台人博學善屬文學士危素薦爲建

寧路教授元末避地嘉興洪武初徵修元史終杭州府教授有始豐藁行世

丘高字彥高小畏吾氏高昌裔也大父仕元為顯官高博洽有才華儀容秀整人望而敬之工草書旁通丹

藥卜筮之術洪武間薦知雲南縣免官寓郡城

劉志高

嘉善志丘高姓名互異

高弼志字士敏蕭縣人元末寓嘉興自幼好學工文辭嘗侍父遊京中一時文章大家如宣城貢師泰謝颺周伯琦遂昌鄭元祐皆與弼志交為文泚純典雅成一家言年二十五為鄞山書院山長洪武初徵修元

史為翰林編修累遷侍講學士建文時為太常少卿庚辰典會試名士胡廣吳溥楊榮楊溥胡濙輩皆入彀號得人焉卒謚文忠

桑慎字仲修居常州遷嘉興性孝友苦行力學洪武初為監察御史見事廷諍朋友有過輒面折之以行部海南奏誅衛使張榮坐不避入議罪謫瓊州安置後召還

沈鉉字鼎臣錢塘人博學邃於春秋元末居嘉興教授生徒張士誠據平江屢徵不屈洪武中薦起為縣學諭考滿陞石首知縣

史仲彬字文質號清遠裔出溧陽十二世祖石晉學士
懷則寓居嘉興思賢鄉族繁而貴名其里曰史家村
洪武中仲彬以明經薦授翰林院侍書事建文帝靖
難兵入金川門仲彬與帝逸去周旋危險者三十年
爲讐家所訐死獄中著有致身錄焦太史序傳於世
吳阿真字無櫻原籍台庠係方孝孺甥避難至武林卜
居樵李梅溪鎮娶婦生二子永樂中御史陳瑛密奏
逋臣結死黨真被逮託次子於外家孳長子戍開平
鄒幹字宗盛餘杭人正統進士授兵部主事歷員外郎
中英宗北狩京城戒嚴幹超遷本部右侍郎凡處

應變多不待奏報而行景泰初轉禮部尋奉命往山
西考察官吏人服其公適河南鳳陽等處大水命往
賑濟去稅糧若干萬石轉左侍郎擢禮部尚書累
乞骸命馳驛歸弘治間浙江歲饑幹具疏奏聞孝宗
嘉其憂民勅有司備羊酒絲緞勞之比至而幹已卒
年八十四賜祭贈太子太保謚康靖

夏尙字時正以字行更字季爵慈谿人宣德間縣學新
設缺弟子員尙自仁本諸生來補後登進士仕至南
京大理寺卿博學能記詩文書法皆冠一時居官亦
有譽望爲刑部郎中時有獄不決者咸願就夏折之

晚歲文益工營巢於閩於西澗所著有瀛嶼稿家禮
若干卷

施懋字以德應天人工詩文以能真授龍泉學諭改訓
北京武學陞孝豐令家無貲孳養子寓秀邑與戴經
爲忘年交相依而居倡和往來以壽卒經爲營塋
沈應禎其先常熟人以武功封家於春波里爲諸生日
往來烟水間觴咏於松下稱林隱子文悌肅宗朝以
孝謹聞歿塋主城里

吳懷賢休寧人僑居於秀素懷忠義以中書舍人辦事
誥勅房中丞楊廷勳忠賢二十四大罪懷賢擊節

稱嘆加以圈評劾註工部員外吳昌期奉差督理惠
王府第糾劾侈冒忤璫撤回懷賢遺書稱之有事極
必返反正不遠之語詞多激烈其僕程遠德得罪於
懷賢遂竊其所圈註楊疏及遺昌期札密首厥衛忠
賢令校尉百餘捲寓所縛懷賢及其妾丘氏子道昇
送鎮撫司懷賢斃杖下昌期坐削奪崇禎初子道昇
上書訟寃贈懷賢工部主事

秀水縣

國朝

王益朋號鶴山仁和人卜居秀水乙未進士由庶常改

給諫時鎮臣交通海外潛為心腹益朋密疏請檻致

七駿式

品

華

陳祚昌字奕大山仁禾遷秀水乙未進士歷任比部郎
恤刑畿輔中書宛滯調知揚州有惠政

陳潢字天一錢塘人父名某遷居禾城河使者靳文襄
延潢入幕改築清水潭之移建南北運口又鑿中河

漕艘商舶皆得去險就安人稱利賴文襄薦奏授僉
事道卒布衣建立之盛知遇之隆亦僅事也

宋昱字懼聞山陰布衣康熙戊午舉博學鴻儒辭不赴
遷居禾城越中敦迫就道疑昱匿僧舍屬僧官促之

行昱作僧官捕樂府和者盈帙先是故人為制府
之仕不欲日只願讀書謁孔林後徒步往謁闕里歸

作詩十章極貧年八旬卒

嘉善縣

國朝

張光曙字淇園雲間人祖父仕宦有政績光曙幼孤寓

斜塘鎮徙居梅花菴工書善詩詞與李煒毛蕃魏坤

蔣廷棟往來倡和著作甚富散佚不存僅刻硯北齋

詞三卷行世

何罔祚宜興人父士晉萬曆時任工垣挺擊一案疏請

窮究主使又疏叅鄭國泰出爲浙江僉事後官至兩
廣總督魏奄時以汪文言獄牽連坐贓士晉知不免
託孤於門下士錢中丞士晉周光祿宗文罔祚遂家
於武塘安貧讀書無慚清白罔祚子華元爲諸生有
聲

葛道明字元亮自績溪遷於杭捐貲置產養親贍族絕
不私所有長子寅選侍衛康熙四十四年 南巡道
明年八十三同子寅接 駕 賜永慶扁 御書及
銀幣恩禮有加寅任松江游擊道明以嘉善風醇俗
美遂留居焉爲人謙謹樸素邑人不知其爲封翁也

何業成號建三原籍新安寓清風涇自幼敏慧好學然
不屑屑於章句欲作五嶽游以母老歸侍庭闈親歿
廬墓終身茹素周濟戚黨好義不倦

海鹽縣

施延 見人物

于瑩 見人物

何準 見人物

宋

常同 見人物

李正民 見人物

趙善禮字敬叔太宗八世孫父名瑋監海鹽稅善禮隨侍因寓居焉授承節郎家業甚盛後裔孫公範經兵燹零落爲軒子故居顏之曰舊時月色志盛衰之感公範清茂嗜學徐一夔著有軒記

陸啟禎 見人物

元

王濟 見人物

木順字文禧婺源人元貞間任嘉興路主簿屢遊海上樂之卒于官子孫遂家于此故居在聞琴橋側今計泉諸鄉之裔千皆其後

姚桐壽 見人物

陸德方字顯叔華亭人至元壬午登賢書授般陽路學正未幾羣雄蜂起掛冠歸時元平章河南沈照避亂鹽之甘泉鄉德方單食徒步備書於其家俄與談經史論時政沈大驚詢知所自遂以女妻之明初以逋臣薦不赴嘗爲詩題壁云我本由拳人何以寓茲土梅園陸氏並其後人

賀傑 見人物

明

劉儼 見人物

許相卿

見人物

李大才

見人物

范明望字拙菴錢塘人少爲諸生投筆中武進士歷寧紹叅將乙酉攜家隱居于邑之澥園布衣竹杖蕭然自得論世事慷慨多大計晚年托跡僧寮八十餘卒

丘上儀

見人物

平湖縣

明

金堡字道隱杭州人崇禎庚辰進士歷官給諫有清直聲鼎革後爲僧名今釋號澹歸開法于粵之丹霞山

晚年杖策平湖流連最久卒於陸太守世楷園居建塔于廬山所著有梧州詩編行堂集

葉紹袁字仲韶吳江人天啟乙丑進士以逆璫亂政改教歷任工部監盛甲廠思陵親閱兵仗俱精利甚喜乞終養歸乙酉後爲僧當湖馮孝廉廷居別墅卒於旅次子燮字星期康熈庚戌進士以嘉善籍中式任寶應令以詩文名于時紹袁有天寥集欄塵集燮有已畦詩文集原詩內外篇

魯得之字孔孫錢塘人寓平湖好學敦行爲太僕李日華入室弟子工寫竹兼歐顏書法董宗伯陳徵君重

其才品方之吳仲圭云著有墨君題語竹史細香居
集

國朝

李延是號辰山山海人負逸才善談論熟舊家典故後
以醫隱寓平湖三十餘年擔囊採藥遍遊各山水得
錢輒買書積四五十櫃作明季諸臣傳又作證人錄
甲申因話錄雲間舊話錄其詩文曰放鵬亭稿露抄
雪纂晚年著黃冠稱道者年七十病作出所藏書悉
散之就龕跌坐而逝葬東湖濱

孫之琮字元襄仁和諸生少負逸才廣搜異書爲文古

雅軼蕩晚年耽情山水當湖馮徵君洪業招致之遂
移家邑中著有史論粗細草纂類諸書及輿地山川
圖子眉光諸生亦工詩文中丞金公器重之與沈季
友齊名曰湖林

萬六吉字新儒江西南城人落落不與俗交深得性命
旨經書多所纂述甲申後棄家客遊徜徉山谷間康
熙壬寅至禾郡後寓當湖遇舊識留館于化城菴卒
殯菴後

翁曆字紀長華亭人幼見知夏吏部允彛遷平湖角巾
布袍不合於俗論詩尊唐闢宋惜遺稿散失無傳

石門縣

宋

陳與義

見人物

王昇

見人物

顏岐字夷仲曲阜復聖裔仕宋為資政殿學士靖康初

扈駕南渡構別墅於石門鎮北子孫留居一姓自成

村落名曰陋巷村

顏復字太初曲阜復聖裔宋禮部尚書扈駕南渡家石

門鎮北陋巷村

時檄字傳之彭城人建炎間家崇德歷知和州居官

嘉興正惠愛治辦尤長於識鑒常擇壻得湖州張孝祥同

邑莫元忠元忠辭以非偶檄笑曰莫子當為令人豈

仙久病約者耶後孝祥元忠皆及第為時名士

桐鄉縣俗尚鬼二氏談因果感應者近之故習染更易

明

戴笠字曼公杭州人能詩工篆隸不欲以儒術顯乃潛

窀素問諸書懸壺濮里崇禎中楚蜀亂笠慨然曰此

非君子避世時耶遂從番禺人去不知所終

國朝

許張瑋湖州人訂婚於桐之南關張氏遂家焉發憤下

帷登順治戊戌進士選庶常轉給諫有聲

程朝輔字贊皇原籍歙縣五世居桐以積善世德稱子

瑋字碩孚諸生瑋子尚愈監生

嘉興府志卷之十四

知嘉興府事閩陽吳永芳纂修

仙釋

按吳俗尙鬼二氏談因果感應者近之故習染更易
自李唐來縉流羽士代多卓卓而得其真詮者每示
一二新奇可喜事以動人聽聞遠若近莫不驚愕以
爲神雖於儒殊塗而愚頑聾聵正可藉以設教也誌

仙釋

嘉興縣

宋李道人紹興初往來秀州或求藥則以涕和垢膩爲丸

與之病立愈因目爲李鼻涕劉延仲寓秀道人過之
有美酒恡不與共曰今日適無酒爲禮道人笑曰何
不出床頭珍珠泉待客劉大笑呼童取尊道人曰但
將一空瓶來瓶至索紙覆之頃時香氣外溢座中皆
醉明日劉有他客啓珍珠泉無涓滴矣一日詣劉別
云後二十年某月日當於真州相見至期劉卒於真
州

清音子姓湯名道亨復自號赤脚道人宋季引一獠自
金陵來獠大如人能主給使亨夜坐時舒光邦人推
異爭飯之豐薄不謝第言分定云由是益異之施與
日多因構菴以居名曰太古以延竚四方雲水之客
久之有軍士戲烹其獠食之亨卽齋浴與所親訣別
手偈云八十一年饒舌終日化緣不歇重陽時節歸
家一路清風明月遂端居而化

垓北子姓蔣號清谷不知何許人年二十五涉獵經史
言辭簡邃蓬首垢面動靜不羈元至正初抵松江坐
太古園室已而歷市塵狂走人盡呼爲風子一夕叩
沈蒲團門大呼曰將蒲團來坐我沈異之隨導詣蔬
圃草蓬中坐沈徐啓之有所省發遂委俗傾身服役
爲弟子因以其地爲菴融然一室足不踰閭者三年

一日語沈曰吾乘化盡矣若等勉之言絕而蛻
魯沐玄風格高亮氣息深沉治平中從海南來與人不
交一言默對終日時有白鶴旋遶空中學士范公鎮
建來鶴軒以居之至元初猶存吳公澄禮以爲師年
三百餘歲

明冷謙字啓敬武陵人僑居春波門內洪武初爲協律郎
郊廟樂章多其所撰有友貧不能自存謙於壁間畫
一門命其友入恣取金玉以出而不覺遺其引他日
內庫失金守藏吏持引姓名迹捕之因并執謙謙渴
求飲拘者以瓶汲水與之謙且飲隨以足插入

其身漸隱拘者惶急謙曰無害第持瓶至御前拘者
如其言上曰何不出謙曰臣有罪不敢出上屢呼之
輒應而不出上怒擊碎之片片皆應竟不知所在後
人於蜀中見之謙仙去府治東北碧漪坊建祠祀之
里人禱夢多驗明季楚中傅汝爲未第時輒夢謙通
名造之崇禎甲戌任秀水令始悟爲葺冷仙亭郡人
曹溶以詩紀其事謙著作罕覯僅傳題燕肅山水卷
詩一首云依稀廬岳高僧舍彷彿商山隱者家我亦
抱琴來谷口白雲深處拾松花見靜志居詩話

周玄真字玄初嘉禾人生八歲而孤辭家於紫虛觀爲

道士能以符篆召鶴因名所居曰來鶴軒自號鶴林
先生雖身寓方外而事毋林至孝洪武中被召問在
京師禱雨祈雪皆有應

沈真人名道寧號野雲初居鬱秀院躡屣不檢或醉臥
穢地或破衲不掩體頸有爛瘡人號爲沈爛頭其師
厭之逐去復來杖之亦不怨一日忽大叫自謂得道
時大旱爛頭曰我來便有雨人怪之令登壇果大雨
由是號道人永樂初遜國諸臣株連詔獄者數萬道
人在都下稱設牢詣諸王府化饅頭有施一萬者徐
納袖中未嘗滿使人覘其所爲則出御街卽慙睡道

側兩袖無所有錦衣獄吏報有道人不知從何入分
餉饅頭訖去矣守者慮有變繫之獄因其自言牒嘉
興問所從則沈道人固在忽不見乃攝觀主至而獄
中所繫依然爛頭道人於是都人競往謁詢禍福皆
中成祖北狩仁宗監國問事多奇驗一日忽大笑則
成祖師勝賜從臣飲之時也忽大哭則榆林川晏駕
時也靈異不可殫述仁宗嘗御製道人傳登極封至

道高士禮送還山誥軸藏道院五色雲錦硃砂寶篆

燦然盛蹟徐發傳

按鬱秀觀真人實錄云真人生於

至永居鬱秀院洪武二十年間武林趙侍御設醮迎
之一夕解維從空而去舟行樹杪頃刻抵北新關大

顯靈異盛暑六旬不雨郡侯請為祈禱大雨數十里
 鹽官海決禾城水溢文餘鹹津殺稼真人召龍神驅
 水怪水即歸海秋成大永樂三年中秋有數少年
 邀真人翫月同泛南湖酒微酣命童子研墨塗白盃
 覆之忽飛黑雲一小片掩月不散更餘洗孟月明如
 故是夕成祖在宮翫月亦見黑雲掩月欽天監奏南
 方術士作法詔逮京師下刑部獄真人默坐七日不
 火出神至南都魏府化饅首二千往燕京刑獄賑饑
 俱納袖中須臾不見在獄點額分食取之袖中綿綿
 不絕一時駭異上聞即召對便殿上曰今五月廿三
 日也命汝祈雪三尺可乎真人奉命祈禱積黃雪三
 尺成祖大悅命工部起真人府以居仁宗即位封為
 混元純一冲虛湛寂清靜無為承宣布澤助國祐民
 黃大至道高士賜湛然純一牙章馳驛還山卒年七
 十有三謚野雲真
 君與徐發傳不同

金宗周字歸儒正德間為玉樞道院道士寒暑一裘不
 事櫛沐或數日不食或并日而食嘗有鼻筋下垂須

臾復上遇大雪時跌坐庭中四旁尺許纖毫不染人
 皆奇之呼為金仙里人叩休咎其應如響武進唐中
 丞順之微服叩問深口膏肓侍坐七日贈以詩文而
 別及倭寇侵城閭閻逃避惟仙獨坐羣寇持刀立視
 良久相顧錯愕而去一日謂弟子曰來月二日吾別
 去矣至期端坐朗吟吟畢即化時嘉靖乙丑臘月二
 日也

沈嵩高秀州象賢鄉人幼從蔣大方學五雷法居清真
 為道士成化間郡大旱知府徐霖召嵩高用龍骨攪
 龍潭不旋踵大雷雹雨霑足霖喜以詩謝之又范教

嘉興府志 卷之四
論官舍晨夕空中拋擲瓦礫嵩高云此土怪也書二符與之卽止其他治病伏邪往往多驗御史姚綬有傳

郁泰初名從周自幼神骨俊爽嘗闔門靜坐時時吟咏亦善鼓琴旣爲諸生登嘉靖乙酉鄉薦再上春官不第卽棄去瓢衲出遊或數年一歸省其母遂去莫知所之嘗至南嶽遇異人有所指授後遇張紫陽授大丹訣要乃還武林賣藥市中人無識者萬曆壬午春期往建昌煉丹藥忽云吾丹道垂成而塵劫已滿將去矣遂瞑目而逝有詩賦一卷行於世人稱爲雲

陽先生

唐普明唐季人後晉天福年間移錫嘉禾建普明禪寺有牧牛十頌復系之以圖明雲棲宏禪師爲之序

^{五代}雲門文偃姓張氏初叅睦州陳尊宿以秦時輶轢鑽語示之師從此悟入後於靈樹知聖禪師會下作首座時著靈蹟最後嗣法雪峰義存禪師廣主劉氏延師開法韶陽宗風大振遂爲雲門宗雲師逝後塏全身於韶陽方丈後宋乾德三年示夢於雄武軍節度阮紹莊欲暫開塏奏聞開之面色如生髭髮皆長廣主迎真身赴闕供養踰月送歸謚大慈匡真宏明禪師

法嗣甚衆

皓端姓張氏九歲出家師授經法恍如宿習後依玄燭法師了一心三觀遂撰金光明經隨又釋十餘卷錢武肅王召於羅漢院宣導賜紫衣署崇靖大師不出宮者二十餘年著述傳錄記讚七十餘卷建隆二年坐寂三日容貌如生閣維得舍利於煨燼之中

宋淨真秀州僧也嘉熙三年錢塘江岸傾淨真以偈呈安撫趙端明曰海沸江河水接連民居衝蕩益憂煎投身直入龍宮去要止驚濤勢拍天遂投於江三日而返謂衆曰我在龍宮說法龍神聽受此塘不復崩矣

語訖復入於水安撫與民感德具述其事聞於朝勅賜護國真法師立祠於杭名曰會靈

慧光若訥字希言刻志苦學久而嬰心病呶大士口誦秘章夢大士灌以靈液寤失其疾嘗蒙內召講經稱旨恩待甚隆壽八十二謚宗教廣慈法師

智深號慈川開堂嘉禾供衆二十年專志念佛常以淨業化人忽示疾客至問安談論如常時客方出門卽化人見紫雲向西而沒

淨曇嘉禾人晚住錢塘之法慧紹興丙寅辭歸四衆擁視揮扇書偈曰這漢從來沒縫罅五十六年成話擲

今朝死去見閻王
劍樹刀山得人怕
遂打圓相曰
一任諸人鑽龜打瓦收足而化

惟正秀州人住杭州淨土院雅愛跨黃犢出入軍持巾
鉢悉掛角上杭守蔣侍郎與爲方外友每至郡庭下
犢談笑終日有錦溪集工部秦少游極珍之冬不擁
爐以蘆花作毬納足其中夏秋好玩月盤膝大盆中
浮池上自旋其盆噍笑達旦生平不談禪曰徒費言
語煩萬象爲敷演耳皇祐元年泊然而逝
惟湛字廣燈嘉禾人入道雙林敷講於雲間超果天台
一宗振於三吳自湛始熙寧六年坐逝舍利無算

智鑑滁州人元祐時遯跡象山百怪不能惑復往雪竇
嘗居嘉興梅溪有詩

寶安姓夏深明宗旨親運土石於精嚴寺作五臺山立
五臺院時僧臘八十餘歲不衣絲縷臥亂草中化後
肉身不壞闍維時空中忽現祥雲有白鶴飛舞
淨觀住嘉興寂光菴修淨土懺法十餘年謂弟子曰我
後二十七日行矣至期入龕端坐命衆念佛頃之脫
去

長水名子璿秀水人初依洪敏法師已叅瑯琊山覺禪
師有省後住長水疏楞嚴經疏將作夢文殊入口旣

畢夢文殊出口疏成紙爲之貴夏竦奏賜號楞嚴大
師寂後甕合之葬真如寺宋建炎初金兵發之見手
爪遶身復瘞之而去

元白菴字西白吳郡人嘉興天寧寺災師重建之洪武初
爲淨慈主席四年春詔集三宗名僧十人及徒二千
建廣薦法會於鍾山命師總持齋事五年冬詔復建
會大駕臨幸詔師闡揚第一義諦自公侯以下庶僚
環而聽之靡不悅服塏在嘉興城西環翠蘭若宋濂
作碑銘

明若愚號鐵菴洪武間寶閣寺僧儒書釋典洞明旨趣嘗
於靜院演說妙理天燈羣集人咸驚異機鋒徑捷隨
扣而應一時禪學咸尊禮之永樂庚辰夏辭衆跌逝
道濟字法舟嘉禾張氏子少爽拔未嘗入鄉校而議辨
宿成爲里中所異年十八忽猛省白父求出家勿
許日夜趺坐不事生產遂入天寧寺爲行者後依吉
菴祚禪師朝夕叅叩偶行廊廡聞聞佛殿磬響豁然
契悟祚卽可之繼謁古印雲峰諸師日益深奧入湖
之弁山復自弁山歸天寧禪堂遂終老焉

普明字寂照初投妙常菴薙髮受具日誦法華經不輟
後居古杭山中每靜坐蛇鼠鳥雀皆嬉遊於前客至

叩門飛走不及輒納諸懷以衣覆之客去則復出有一病者詣之摩其頂夙患頓除遂委身爲弟子一語之曰吾五月十八日逝矣弟子曰五月非法更訂八月遂歸嘉善屆期弟子來送明方埽地語之曰汝不來吾幾忘矣遂鳴鐘集衆作偈端坐而化舉龕茶毘火光五色異香竟夕舌根不壞扣之有聲過旬日人猶見之古杭

蘊空寂曉世姓沈其先嘉定人祖練爲沂水令師幼業儒從父培遷樵李十九始祝髮與其徒築數椽郊外名楞伽室苦修梵行諷覽經文鈞深抉奧會極旨歸嘗謂南北藏典部分重單日就譌舛於是著法藏司南四十五卷又謂大般若經有二十萬頌世謂惟金剛般若一卷餘皆久晦藏函更叅酌晉唐著箋注五十五卷

雪嶠圓信鄞縣朱氏子開法徑山崇禎癸未冬住東塢示寂雲門一無付授

世祖章皇帝出內帑新其塢

鴛湖妙用海寧鄭氏子出家興善寺崇禎己卯住城南普明寺

漢月法藏梁溪蘇氏子崇禎間住真如寺後大弟子弘

嘉興府志 卷之四
儲來繼席

破山海明蜀蹇氏子住東塢三年百廢具舉

牧雲通門常熟張氏子崇禎庚辰住梅里古南禪院溷

迹口晦托興吟咏

月泉法聚嘉興富氏子脫白於海鹽之資聖寺後結廬

悟空山嗣碧峰顯爲南嶽下二十九世與龍山董溧

爲方外交同問道陽明

明巖仁領嘉興人復興普明寺辭訣知交恬然而逝

香幢明海嘉興人受教於湛然澄操持精密住城東一

指菴

石雨方明嘉善陳氏子出世後十二坐道場崇禎甲申

冬住東塢語錄行世

三昧和尚明季賜紫於金陵來往三塢講護國仁王經

傾城向慕其弟子見月住華山

林泉寂慧蜀甘氏子苦叅得悟同破山來東塢隱居雙

溪之新菴三年

國朝文可通復別號冬關老人嘉興胡氏子博通內外典

尤擅詩名入少陵之室隱居南湖之澣初地菴高簡

絕俗

淨範字爲則得法於三宜爲人坦率以真實爲修行工

嘉興府志 卷之四
詩文善書法住東塢起造大佛閣於古刹有中興功
如念遺其名博通儒書諸前輩所欽重每相聚講學必
邀師考究研辨其探理學指歸不第禪門推重已也
女僧祇園行剛嘉興胡氏女早寡守節棄家學佛住伏
獅禪院其徒一夔超琛皆有語錄行世

秀水縣

宋劉卞功紹興丁卯七月衣青衣至嘉興府治東南隱真
道院自言姓劉居濱州留數日去雲堂柱間題四十
三字云行方便坐方便諸聖察上天見得道安得身
健但能晨朝洗面水不得浪淵起盜玉津能顯九霄

雲事劉卞功來字畫透柱如點漆刮墨和劑能療人
疾乾道間真人復來往望吳門外畫工家自起藁繪
其像後爲伶人王綺所得一夕綺夢真人叱之曰汝
留我在此許時如何綺驚寤訪諸隱真始知顛末遂
歸焉嘗有一老嫗丐於塗腹大若姪忽遇青衣人與
藥若芥子吞之有水自腹中出卽平復問之曰在隱
真道院真人居濱之安平鎮徽廟時屢詔不起守臣
奉旨寫真真人卽自題一詩於上特授高尙處士時
賣柑老人端平間寓禾中日出金柑易醉主人怪而窺
之見鼎盛柑種久卽垂實因求受其術老人曰此太

上養道法不可輕泄主人拜乞忽萌貪心爲老人所覺不授而去明年或見老人在廬州賣枇杷

明張大倫號仲葵童年入道往來龍虎山煉五雷法以符水治疫多效手錄九幽懺皇經書法工妙有申時行文震孟陳繼儒韓敬徐必達沈思孝姚思仁朱國祚序其首嗣孫范含冲號瑞州鼓琴賦詩亦爲世重唐光範唐沈亞之集云律師光範爲童子時事師曰靈祐師學通經記初居嘉興空王寺更居靈光寺與其徒講贊數言百流會歸之說自吳南北郡邑緇衣咸來受法人人自得著釋會章句十五卷

黃蘗名希運演化於水西寺唐宣宗潛龍時嘗依師爲沙彌值師上殿禮佛次問長老禮佛當何所求再問師便掌彌曰太龕生師曰這裏是甚麼所在說龕說細隨後又掌裴休與師爲忘年友一日裴公托一尊佛於師前跪曰請師安名師名曰裴休公應諾師曰與汝安名竟公禮拜

宋淨梵姓竺氏母夢光明滿室見神人似佛因而懷娠生十歲依勝果寺祝髮從湛謙二法師遊初住無量壽院凡講法華經十餘過大觀中結二十七僧修法華懺感普賢授羯摩法呼淨梵比丘名聲如洪鐘時長

洲令王度目擊其事題石爲記一日禪觀中合衆皆見金甲神人跪師前葛氏請施戒薦夫見夫遶師三匝而去化後茶毘有舍利五色

彩雲相傳嘉興真如寺禪堂有彩雲橋禪師居此

文長老佚其名蜀眉州人住秀州本覺寺蘇文忠三度過訪皆留詩末有三過門間老病死之句後人因立三過堂勒詩於石

元本誠一作本成又名文誠字道原號三隱至正間住嘉興興聖本覺寺姚綬作記稱其善詩畫寫竹有掀簌之態有文集行世至正七年嘉禾城西有烏數千

營巢於地圍八尺崇五尺未幾大盜弄兵海上紅巾繼起本誠著烏城誌五百餘言宋濂受其文刪之以附集中

智寬字裕之號雲海吳郡人元末住秀州三塢寺築愛松軒日哦詩其中洪武時被召至京

明克新字仲明號雪廬自稱江左外史鄱陽人宋尙書左丞余襄公九世孫始業科舉朝廷罷進士乃更爲佛學博通外典務爲古文元末住秀州資聖寺卽水西寺也與楊廉夫顧仲瑛遊明初召至京命克新等三僧往西域招諭吐番圖其山川地形以歸初著南詢

稿燬於兵今惟雪廬集行世

出菴名寂然燕髮於錢塘老僧月江密雲主育王天童
追隨杖屨多所印可然意勇好藏不見聲彩於育王
掌樵爨於天童理畚鍤卽同叅莫測所爲也晚卓錫
青芝塢結茅種松自號出菴所著影菴集選燔剩集
及散語行世法嗣照德字不孤性狷介建默菴閉關
三十年不出有水邊居詩稿後復居山有山中草臨
歿召故人叙別盥漱而逝

智艇字葦如號秋潭金明寺僧僧寮有老梅橫几牖間
日吟嘯其下少閒卽臨摹懷素諸名帖金華胡少室

元 吳少

補方外交邑之士大夫徵討

索書戶

滿院築書屋菴於西郊自稱黃葉老人

修竹百竿下台拂拭客至雜坐無寒暄語其戒律亦
嚴郡守詹應鵬爲築歸老堂招之還金明遂終老焉
有黃葉菴詩集

冬溪方澤嘉善任氏子嗣法法舟濟住精嚴寺有詩集
行世

無趨如空秀水施氏子謁野翁曉禪師於東塢寺勇猛
三載聞雞鳴有省日夕趺坐翁遂付衣鉢萬曆己卯
仲冬付法於弟子性冲曰來秋八六吾欲行子宜來

嘉興府志 卷之四
三
次年庚辰八月六日果示微恙說偈而逝嗣性冲秀
水張氏子冲嗣慧廣鹽官韓氏子出家郡之興善寺
皆有語錄行世

達觀名真可號紫栢俗姓沈世居吳江太湖髫年性雄
猛貌偉不羣年十七仗劍遊塞上至蘇州天雨不前
偶值虎丘僧明覺相顧盼壯其貌因傘蔽之遂同歸
寺晚聞僧夜誦佛名侵晨卽解腰纏十餘金授覺令
設齋請剃髮遂禮覺爲師至武塘景德寺掩關三年
復回吳明大悟禪宗凌轢諸方與禾中莊簡陸五臺
公心大相契時楞嚴寺爲有力者侵爲園亭師屬莊

林野通玄合州蔡氏子順治間住棲真寺其弟子二隱
自閒相繼住三埭寺

三宜明孟仁和丁氏子得法於湛然澄梵受初建師開
法弟子匡雪淨淨淨淨淨挺相繼住梵受皆有聲

石柱血影僧不知名號明末居西郭外岳武穆王廟乙
酉六月大兵壓境散卒多駐廟中掠婦女數十人繫
神座前囑僧扃門護守卒旣出僧悉縱之安坐以待
卒歸問婦女所在僧曰已縱之矣諸卒大怒縛之門
外坊石柱上亂箭射死血影深沁石裏宛然髻頂跣
足裸身受箭狀歷今七十餘年殷紅若新洒石上者

秀峰天啟間福善寺僧日誦法華經寒暑不輟壽九十
七而化茶毘時蓮花無數現火光中

國朝淨憲字匡雪善詩畫得法於三宜住西郊香萃菴

行傑字古雲姑蘇楊氏子嗣法牧雲精勤操履天寧真
如棲真三寺皆曾住錫退居新城鎮般若菴有語錄
興照字什鑑生于江右隱于浮屠爲牧雲法嗣性隘行
苦卓錫禾中最久後居祥符寺之間思殿年過期頤
而顏若少壯康熙己亥冬預告逝期作偈辭世而化
元璿字膚石太倉陳氏子棄儒出家付拂于晦山没于
龍淵方丈自幼能詩有荆山集法語

大燈字同岑爲郡中項氏之裔善吟咏付法於天界

浪愛洞庭山幽勝遠俗卓錫橘香菴後主楞嚴退居
太平菴

淨心字了蘊智耕字邁充智和字純如俱修持其實不
事文飾初住梵受後住幻居菴幻二僻小非叢林也
而杭湖間頗識其名以三高僧在菴之故

機旭字晦岳籍本湖廣法嗣也勤修實行夜則
坐達旦如是者四十年住金明寺示寂

嘉善縣

唐錢朗字內光南昌人少以五經登科歷宦有清直

嘉興府志 卷之四
聲官至光祿卿後隱居廬山得補腦還元之術唐開
耀間居魏塘鎮之神仙宮年一百七十餘歲尸解去
有遺詩於壁

宋唐介壽號隱梅西塘人世爲道官至介壽得異術於崆
峒道士余西壁能役使鬼神呼召風雨咸淳二年海
潮衝齧都城介壽應募作朱符沉之江患遂息官以
道錄恩賞甚厚勅改其舊居曰福源宮

明魯質楊匯村民每食餅糗輒碎以飼蟻千家窠多蚊質
往居三年夜不設帷褥以受噪蚊害頓減一日詣所
親客至乏魚質探袖中出魚旣而語人曰鶴來我卽
往矣一日有鶴翔其上火從口出自焚

許至震字東山得正一真人法能驅役鬼神所祈多有
奇效邑中錢氏有火殃降屋上求震解禳震爲結法
壇貯水一缸置庭中作法收火殃入缸內時正隆冬
水熱幾不可探後遂無恙一朱姓者出外歸忽得癡
疾其子乞震爲救震命淨竈洗釜貯水其中仗劍作
法後其家人開視忽見有黑魚長尺在釜內大驚放
之水中震頓足曰是怪也吾將手劍之奈何放去疾
殆不可治矣後果顛狂數月而死諸若此類不可枚
舉善寫真得虎頭之神

唐船子和尚名德誠初叅澧州藥山弘道儼禪師儼云子以後上無片瓦下無錐地大闡吾宗自離藥山乘小舟往來松江朱涇以綸釣舞棹隨緣而度號船子和尚夾山善會禪師至朱涇叅船子大契宗旨辭行回顧再四誠喚會回立起橈曰汝將謂別有處耶迺覆舟入水而逝僧藏暉卽其處建寺誠有撥棹歌三十九首呂益柔爲序而刻之

元吳彌陀不知何許人元季居魏塘東林菴值海塘崩陷有司艱於修築彌陀一日佩戒牒詣其所瞑坐危石須臾風浪遂息後歸東林卒火之齒與目睛如石不化

明雲谷諱法會胥山鄉人也薙髮大雲寺年十七遊天寧遇濟法舟策發之遂攜錫遊方至陽羨見古林禪師教叅一歸何處語豁然有省晚歸大雲隨方引誘從而歸化者數千人萬曆二年冬主三陳禪會擇日端坐瞑目而逝入龕五日迎歸大雲怡然如生

如谷字日海思賢里人初聞雲谷倡教於棲霞潛往叅焉後遊荆山月庭講席名震叢林攜鉢遊天台走廬山歸而閉關於景蓮精舍者三年已而詣臺山禮文殊不數日安坐而逝其徒海音分其骨之半以歸塏

於荒墩菴之左

行峻字崇已歸安人俗姓施薙髮於邑之慈雲寺入天
童叅密祖徧歷天台諸講席受古南牧雲囑付晚年
隱居邑之祖燈菴

法本字幻余薙髮大勝寺叅學於紫栢遂入京爲萬曆
母后供養於五臺山妙德菴及歸賜金字經三卷袈
裟一襲仍住大勝無疾而逝

宿峯深水薛氏子幼有至性童真不鑿年三十六受五
戒於古林和尚又三年乃祝髮於青浦之慈門寺日
惟精持大悲咒夜卽高聲念佛聲聞里許後卓錫嘉
善之慈雲

國朝淨挺字浪亭武林徐氏子明季爲諸生擅文名國初
祝髮爲三宜高弟住慈雲寺有詩文集

本冲字息菴四明楊氏子母夢老衲授橘而孕少至孝
穎悟天啓丙戌依天童弘覺剃度受具遍叅叢席悟
後復依天童授拂主五峯寺衲子響應移錫般若園
後住楓涇圓明禪院再移郡城金明寺不耐酬酢仍
歸圓明乙酉

車駕南巡特召奏對

賜收圓明爲性覺寺復予淨域長齡匾額及對聯丙戌秋

沐浴趺坐自書封龕諸佛事畢遂化去壽八十四
研齋字綠天俗姓沈湖州人披剃於雲林清隱房精大
悲懺法工詩字與武林諸名公爲方外交嘉善魏青
城錢蔚宗兩公最引重相繼延於家乙未歲坐脫異
香滿室

海鹽縣

晉世有不知姓名道人嘗齋一杖一箱自隨忽詣縣向令
乞一人給使白選取守鵝鴨小兒形服最醜者將去
時已逼暮道人令小兒捉杖行但聞足下波浪倏忽
至一山山上有屋屋中有三道道人相見欣然其語以

一小甌食與小兒狀如熟艾食之饑止向瞑道人欲
還屋中人作書付之云寄廣陵白土埭上史宗道人
以書付小兒比曉便至縣令呼小兒問知道人先所
經并說山中所寄書尙在衣帶令開看多不解乃
令人將此小兒至白土埭訪史宗送之宗開書大驚
曰汝那得蓬萊道人書耶宗著麻衣多瘡疥性調不
恒在白土埭凭埭謳唱引絳得直隨以布施人棲憇
無定時或隱或顯後遊吳會止上虞龍山不知所之
此道人與山中三道道人共語謂宗謫限當竟矣亦小
兒云

徐鸞少有道術能收伏邪精錢塘杜氏女患邪鸞爲作術召魅卽見丈夫著白帙葛單衣入門鸞一叱之卽成白龜一日與羣從兄弟數人登石崎山斫春柴日暮鸞獨不返明旦尋覓見鸞在山上腋挾鎌倚樹而不動或向前抱惟有空殼今天仙河卽鸞故宅也

唐馬湘字自然鹽官人常指溪水令逆流食頃指柳樹隨溪水走指橋令斷續有告以病者但以杖頭指之口吹杖頭如雷鳴便愈遊越州洞巖禪院二僧慢之湘去二僧不能下床追懇乃免卒於宣宗大中十年東川奏道士馬自然白日上昇勅浙西發棺驗之一竹

杖爾

張與材龍虎山天師三十八代孫貞元中潮嚙鹽官海鹽兩州爲患特甚奉詔以術治水一夕大雷電明日見物魚首龜形磔於水溼潮患遂息

梁陸逸冲字敬遊陶隱居弟子誠恪恬淡志遠棲逸齊永明中隱居遯蹟茅山偕逸冲於西嶺立華陽館經始道靖七年告成盡逸冲力隱居嘉其勤勩名棲靜處士作十賚文策之而許長史碑陰手書上清衆館焉子亦以逸冲稱首

五代譚峭字景昇游名山得辟穀養氣術夏裘冬葛狀類

風狂嘗著化書宋齊丘欲竊爲己有醉之酒縫革囊中投之江金山漁者得而剖之見峭方醒張目曰齊丘奪我化書遂去不復見峭本泉州人國子司業洙之子邑中有譚仙嶺相傳是其煉藥得道處仙鑑載峭有詩線作長江扇作天鞞鞋拋向海東邊蓬萊元是無多地只在譚生拄杖前此尤其寄海嶠之證

明徐月汀字湛虛棲真觀道士能詩觀已壞月汀倒囊與葺其自述有人愚自墮移山計天漏誰傳補石方句吳康僧會本康居人赤烏中爲吳大帝祈獲如來舍利由是佛教始行江南會尸解後真身一現永欣再現金

粟奇骨瘦露舉手如揖足跨如欲行眉間時放光

顯靈異之蹟明洪武二十年詔移歸金陵天禧供養

梁釋法寵姓馮氏少有絕俗志納妻半歲卽捨家入邑之

光興寺後出都徧學經論嘗預齊景陵王西邸義集梁武時御講推寵坐首號上座法師賚賜不絕初都下有法願道人善相術謂寵年滿四十當死惟禮懺可免遂還海鹽光興禮懺至四十歲暮夕覺兩耳腫痛彌信死促忽聞戶外有人言曰君死業已盡開戶無見及審耳痛乃是生骨後壽至七十四卒

唐釋慧因姓干氏晉太常寶之後陳時繼辦法師傳燈長

干徐陵毛喜咸歸導首隋仁壽中爲禪定寺知事
座唐初居大莊嚴寺預十大德之選蕭瑀沈叔安皆
諮叩焉嘗感冥司召講大品般若經七夕蘇云有兩
束絹爲襯遺學徒檢箱內果得之

良準者大中咸通間法喜寺僧也慧行精通有捨葬本
寺棲鳥不止時放瑞光

後唐釋慧稜姓孫本邑人童亂日於通元寺登戒後遊閩
嶺謁雪峯頓明本性閩主召住長樂府長慶院號超
覺大師得度者不減一千五百衆

宋蔣十八居士與其妻念二孺人日誦大乘經斷除嗜欲
積四十年同日洗漱更衣焚香書頌而終

元僧真諦住德藏寺執樵汲役初未測其異也一日楊璉
真伽率衆過寺將往發陸左丞女朱提舉夫人墓肆
淫穢時楊衆百餘各執畚鍤利械蜂擁左右真諦忽
現神力大怒叫呼掣韋馱尊者所執杵在手躍身丈
許亂擊之狀如隼撇虎騰不可抵禦衆盡傷諸械亦
寸斷楊以爲神不敢問徑去墓竟得全諦後行脚峨
眉不知所終

竹菴可觀雲間戚氏子十三祝髮學天台教歷錢塘南
屏車谿等山尋還當湖德藏講寺謝事竹菴置山月

池松風臺一日儼然化春秋九十一有山家義苑菊
等集傳世

石屋和尚清琪常熟溫氏子出家本州崇福寺二十祝
髮遍遊天目淮陽遇二高僧叅悟禪旨後請住持當
湖福源禪寺隱歸天湖至正間詔降香幣皇后賜金
襴衣榮之

明本號中峯錢塘人聰悟博覽爲文援筆立就四方士
大夫從遊者衆仁宗賜號廣惠禪師文宗賜謚智覺
元統中命學士揭傒斯序其廣錄入梓常住佑福禪
院卽今海門寺

明楚石梵琦幼出家天寧永祚禪寺徧主法席名滿裔夏
晚歸天寧築西齋退老明興再被詔徵說法蔣山恩
禮甚隆洪武二年復徵入問鬼神事館天界寺沐浴
更衣書偈而逝奉詔歸葬本寺五十年間六坐道場
有六會錄流布叢林雲棲宏禪師弘闡往生便門推
琦爲明朝宗師第一有和陶等詩北游集

惟則字矢真吳興費氏子出家澈川佑聖寺嘗徧叅名
宿皆因緣不契後叅匡廬無極源公鍼芥忽投豁然
大悟歸佑聖開講席千緇圍繞得證者甚衆洪武初
嘗薦預法事以足疾賜歸一日忽告衆曰吾去矣侍

嘉興府志 卷之四
者請偈厲聲曰平常說的不是耶卽瞑目逝有冰檠
禪師語錄行世高足景隆亦著有瞑錄

法聚資聖寺僧嘗結菴澗湖荆山芝產座下人號玉芝
和尚後移錫武康天池示寂聚初投偈於王陽明先
生有答人問良知詩卽聚也

寶珠和尚嘗游杭嘉二郡冬夏一衲乞食自活宿無恒
居平時惟念佛不絕口更無雜語後於海門寺忽若
顛狂者半月餘僧呵曰爾平生實行當與世人作眼
目何得乃爾珠曰旣如是吾行矣索浴畢安然立化
天寧僧秀碧峰者自幼卽不茹葷每日五鼓起誦經禮

佛無間寒暑衆中最名有戒行嘉靖壬寅忽得疾臥
牀月餘終日酣睡自言甚適忽一日起沐浴衣新衣
跏趺端坐念阿彌陀佛數十聲與徒衆言別而逝越
三日神色不變左手捻中指作字右手仰開指猶軟
頸骨挺然

明堅雲岫菴僧也菴初廢於正德辛未堅以是年始生
至隆慶辛未堅從百法寺來卓錫於此菴復興堅精
嚴律戒經年閉關趺坐緇素多敬信之

如元蕭山史氏子少有室棄之入雲岫投堅公披剃叅
宏法師受具足戒復歸雲岫力修淨土不窺戶闔者

二十餘年所至密跡潛踪人自依依不能去
圓悟字密雲荆溪人過銅棺山頂豁然大悟徧叅諸方
上天台探禹穴繼席龍池遊匡廬之南嶽住天台通
玄寺遷海鹽金粟山廣慧寺緇素雲集檀施山積大
厦鴻構食堂常萬指後入四明天童大創宗風王公
將相下及韋布獬獠倭蠻重譯問法無虛日爲天童
開山祖師示寂繼師住金粟者石車通乘故金粟有
悟衣鉢塏弟子受記者大滬如學鄧尉法藏夔州海
明福嚴通容金粟通乘寶華通忍龍池通微天童道
忞雪竇通雲古南通門報忠通賢通玄通奇凡十二
人金粟居大半海內傳天童派道忞應

世祖召賜號弘覺禪師繼駐金粟後往平陽其法嗣大岸
本昇亦召對萬善殿

斯學字悅支慈會寺僧工詩好行脚南陟台雁北至岱
嶽清涼歸築道林菴於靈祐耽苦吟遠煩喧有幻華
集二卷姚士舜爲之序

石車通乘金華朱氏子崇禎間住金粟有語錄行世
釋氏以畫名者元有道隱字仲孺號月澗俗姓李氏蘭
石學趙子固墨竹宗王翠巖當湖人也以詩名者永
祚寺爲多明秀姓王氏嘗與處士朱朴陳鑑結社所

謂雪江和尚是也後隱錢塘聖果山更號石門山人
有雪江集一卷戒襄姓李氏從文徵仲遊能書兼善
蘭竹有平野集二卷戒襄前尚有文湛永瑛後有戒
逸斯德萬曆末年有廣化字無期梅溪人薙染本山
尋叅訪四遠住郡城藕花菴後復歸本山建古乘林
社穿池種竹吟詠自適未幾示寂後嗣法衡字秋巖
源受字朗印秋巖詩奇崛雋拔朗印詩古淡閒逸各
有集

覺元字滄曉朱孝廉瑞巖子自幼披剃秦溪寧海寺得
法於天台祖憲道風高潔士大夫樂與之遊有語錄
行世徒性淳行仁徒孫體源

平湖縣

宋張復陽齊景鄉人棄家爲羽客明周易茹復之旨作復
陽圖善詩畫書法道美年八十餘步履輕捷自謂張
果後身有直指按嘉禾慕其名移檄請見檄未出院
而張已抵門曰臺使者延我也嘗憇坐松牕扃關累
日然或有遇諸塗者後竟尸解去

元彭素雲汝陽人年十二禮劉月淵爲師稍長遊武當遇
張真人集雲水三千於紫霄宮素雲求執厨役汲水
苦行三年得授棲神鍊氣之旨走青城入武彝涉天

目凡古仙過化處歷覽殆遍洪武辛酉至當湖華亭
鄉結茆居之甲戌秋八月二十一日旦起沐浴更衣
跌坐問左右曰何時曰日正中遂倏然而逝七日顏
色如生

明張如忠字思亮母娠時夢白鶴降生萬曆時年十八就
學師所一夕忽不見自言爲羣仙擁去曰子五世修
仙未成今當尸解矣復令閉目冲舉雷聲如前但去
時冷歸時暄耳一日攜絳桃大如盞復探袖出大李
如拳屈重九忽有二金鶴在地取藏之家中時聞鐵
筒聲忽一夕里中見火光如旦如忠已危坐脫去空
中猶聞鶴唳數聲檢筭失金鶴所在

魯志剛字雲陽肅簡公裔善飲盛暑中或衣綿絮遇霜
雪嘗赤體游行至人家索酒言禍福奇中引之坐輒
倒掛椅間或抱兩膝旋滾地上望之如圓毬其疾如
風時喜倒掛大樹枝上風吹搖曳以爲樂又能於城
上聳身上下飛走雉堞頃刻周四門夜則口銜其陰
而臥人皆呼爲魯癡自言當在雲間脫殼後至松江
路遇郡守方岳貢出作醉顛狀大呼方當橫死方怒
杖之至橋下洗去血痕卽坐脫已而方守大拜爲闖
賊所殺越二年湖人有於闖門外遇之者

國朝王懋德字心一鍊真郡廟中歷請禱雨必應廟東趙
姓婦爲邪所惑作法斬之則一溺器也廟西民家日
夕有拋瓦礫者擒礫之則一白蛇也

郭長彬字去勝父庠士母夢呂祖授桃食之而孕年十
三爲道士修全真居松塵山遊句曲龍虎山得五雷
傳歷著奇驗後訪道名山踪跡遍天下至京師棲白
雲道院忽一日市上乞食回沐浴焚香端坐而逝都
下詣拜者接踵 親王賜額曰拂袖白雲院爲丘祖
師長春蛻化之所京江張相國玉書顏曰長春接軌
宋慧辯字訥翁賜號海月傅氏子剃度普照寺中得法於

明智有盜夜入其棲脫贈以衣使從支徑去平日與
蘇東坡善將示寂遺言須東坡至方可闔龕四日坡
果至見其端坐如生頂尚溫遂作三絕以弔

宗敏秀魯氏子賜號法雲年十五叅慈辯命與首座抗
論竟爲所屈紹聖初主杭菩提寺元符中遷孤山六
一泉樞密蔣之奇聽闡楞嚴大旨欽服之後還當湖
菴居紹興七年寂去後十八年以其地爲延祥觀遷
塢閣維如生出舍利百種如菽

性空華亭鄉人結菴青龍之野追船子遺風善吟詠好
吹鐵笛建炎初徐明叛經烏鎮大肆殺戮師荷策而

往賊怒欲斬之師曰大丈夫要頭便斫去奚怒爲因
索筆自作祭文訖大呼斬斬賊駭異稽首謝過廬舍
免焚紹興庚申冬造大盆穴而塞之致書雪竇持禪
師曰我將水葬矣壬戌歲持至作偈嘲之曰拙哉老
性空明要餒魚鼈去不索性去只管向人說師曰待
兄來証明爾遂坐盆中至海濱順潮而下啜曰船子
當年返故鄉沒踪跡處妙難量真風徧寄知音者鐵
笛橫吹作散場蒼茫間以笛擲空而沒後三日於沙
上趺坐如生火之舍利甚多

從進蚤歲聰辨主德藏講訓有法作楞嚴解尤稱高妙
隱峰俗稱長爪師葬後人或啓之見師端坐如活十爪
盤旋於腹者數圍衆驚異因塑像於佛殿祈禱輒應
書壁遊僧不知其名嘉靖初南寺未廢僧來寺中放達
自得化墨年餘聚無算一幕忽於殿中白壁上書五
大字曰心虛靈之覺字徑數丈筆法遒勁初不知墨
汁貯於何器用何物作筆也晨起相驚失僧所在
心源姓吳名可化字龍淵爲庠生丙子巳中式檢原卷
爲燭仆損置乙榜偶赴雲棲聽蓮池講經名心頓冷
遂披剃庚戌六月十九叅拜大士畢沐浴坐化
丁塵萬曆己未托鉢過長福寺廢址見一鶴鳴翔於上

詢知故寺繫柝募建每蓑笠盤坐其處風雨無輟而
鶴亦留止不去居民異之共助告成

雪空初爲行脚出曆已未正月至鄉民夏姓家留齋空
言今日汝家當有難可急移夏從之傍晚火焚其廬
空因留寓行堪輿術爲主人擇地居半年一夕忽曰
吾去矣更衣沐浴泰然而逝逾時復醒曰吾誤矣不
宜死於汝家前村五聖堂可卽起大步走至聖堂從
容謂衆曰我今的去矣若輩卽葬吾堂後言畢果死
衆具龕殮舉燭者誤以燭油一點漬空股上空忽作
聲曰不小心衆驚肅急閉龕至今在聖堂田中

雲峰出家五臺後至當湖迎大佛居馬新甫園中歲餘
善講經言行古質形貌肥偉有御賜千佛衣每佛一
尊珠一粒金彩耀日後於武林天竺寺講經一朝坐
化越三年五臺舊徒移師龕北還湖中舊識迎至南
郊外開龕瞻禮笑顏可掬肥不減昔

法霏號東池俗姓王氏世爲鹽官富室初住福業院覽
居福源寺臨終牀褥發異香茶毘後數日香光木散
陸光祖撰塏銘

大瑞姓王起家和州航海至湖寄蹟洋瀆廟十餘年
率任誕見人輒大笑無貴賤僅一舉手遇見童反長

揖兒童隊逐而狎之譁笑以爲樂土人目爲王癡毋
持鉢乞錢米隨獲隨散徒手言旋鼓掌大噱衆僧夜
演法音梵唄交振大瑞則倚牀熟寐迨衆僧偃息則
披衣躍起獨誦貝葉文兀坐斗室手錄法華楞嚴諸
密藏成數十帙嘻笑中或津津內典叩之不答天啓
丙寅秋忽謂主僧曰余腹豈久爲五穀作主人遂絕
粒俄而跌坐於牀兩目西向瞪視玉筋雙垂近三尺
許膠不可斷焚龕有異香

浮石通賢平湖李氏子初叅雲門於東塢再叅密雲悟
於金粟得法後住平湖青蓮有語錄行世

國朝行堅字鋤雲新安人行脚諸方駐當湖普濟菴四七
前預知化期遂絕粒說偈進龕出三昧火自焚觀者
如堵惟見白光一道冲霄而去

今釋字澹歸武林人係崇禎庚辰進士名金墨官給諫
以直言忤權倖廷杖編戍遂爲僧順治中開法丹霞
與南雍陸太守世楷詩文往還相契合康熙戊午來
邑養痾陸之別墅病將革盡散所用器物從容寂化
性慈字大音楚潭州人至德藏寺杜門閱藏者十餘年
塑大悲文殊普賢三香像竣日建大懺塲飯僧俗作
無遮勝會復主報本塢院建塢五層置常住田數十

畝已未歲稷設寮煮粥全活甚多後無疾坐逝

海布字蒼雲卽國子生鄒銓葬親畢析家產惠族人就
大音披剃售所居築塏右之長堤及石橋丙寅春遽
往天台過石梁禮銅殿銅塏畢還至梁巔捨身入萬
丈潭中

本哲字伊阯楚孝感人曾結茅黃草山日跌坐惟以澗
水浸乾糗充饑自是晨昏必飲冷泉寒暑不異順治
間隨弘覺應召入侍萬善殿時有問答還山後深自
韜晦移錫報本塏院西歸日沐浴危坐書偈畢擲筆
而逝

宋濟明字靈發通州人訪道天台從靈巖本恒付囑初居
邑之半笏菴後移香露林貌古行高性安僻靜年六
十七示寂

石門縣

爰基不知何時人嘗受異人導引術入千金鄉爰山數
年跌坐而化弟子欲收瘞之惟遺巾氅山因名爰上
有桐棺塚云

唐文喜禦兒人俗姓朱母方氏夢吞桃而孕七歲禮常樂
寺僧國清誦法華祝髮後往禮大慈山法空禪師歸
見御山命爲典座一日煮粥見文殊跨獅子游鑊側

文喜訶曰文殊自文殊文喜自文喜遂掌之文殊湧起空中曰苦瓠連根苦甜瓜徹蒂甜修行三大劫却被老僧嫌七年辭去居千頃寺十餘年光啓初錢武肅王請住龍泉奏賜號無着光化初告衆曰三界心盡是涅槃言訖趺坐而化葬靈隱西塢山因名文殊道弘張氏子祝髮龍興寺初通律部後學大乘內解高勝人稱爲義龍有求法要者道弘曰古之學者爲己今之學者爲人吾從古也已錢武肅王造寶林寺居之今名證聖院

宋智訥性穎悟佛書一覽輒通尤工書住持徑山規律甚嚴嘗執鼓槌以警衆人稱訥鼓槌一日正升座答問間有僧舉普化和尙話且曰能作如此去否曰如何去不得卽於座上合掌端坐而逝

一長老不知其名居崇福寺能談未來事忽指塢語近寺王生曰煩爲守此王哂曰恐有力者負之而趨耶越兩日塢自摧壞同時有夏和者近郊人亦在寺容服垢膩每買螺螄食夜宿楮爐灰中或磚塢中嘗瞑目坐不動人或見和在數十里之外長老與和獨厚見輒握手笑談和後坐亡於塢

上表字秉忱崇德人宋時遊太學以上書直言遭貶後

隱於杭之孤山修西方淨業雞鳴而起禮誦達旦風
雨寒暑未嘗一日廢朝廷聞其清行召之不起賜號
悟壽處士紹興五年八月十二日夙興誦經如常久
而聲漸低已而不聞就視則端坐逝矣
慧梵字竺卿石門顧氏子受具澄寂院性至孝縛茅奉
母榜曰蓬居居側樹梅水仙間寫二花亦極其妙
元德昂別號伏菴父母避地石門元季苗兵亂母禹氏投
河死葬鎮側尋父亦死於兵德昂無依去金華山中
爲義烏廣愛寺僧後渡錢塘省墓宋學士濂序以送
之稱其至孝有儒行會修元史德昂入京以母死事
告於史氏遂得列傳歸治母墓榜其居曰白雲先隴
鎮人表爲貞妙阡

法亮真定人祝髮福嚴寺司殿啓閉三日前沐浴別衆
入龕素不解文字至期作偈鼻中出三昧火自焚而
化觀者如堵俗稱亮菩薩云

明慧顥字無極正統間出家玉溪順慶寺在徑山誦心經
坐脫

真澤俗姓蔣始習儒後與高弟聖行習靜金華山萬曆
癸卯對衆說偈而逝

無幻性冲號古湛俗姓張嬰時幼啼不止惟列供佛具

於前卽輟旣娶生一子歎曰塵勞膠固曷得出離卽
留心內典往叅無趣老人誨以教外別傳之旨毋棄
世後始剃染往往徑山後寄跡於車溪菴葺禪室以
安衆叅請不絕終老於此

國朝通容字費隱年十四禮慧山爲師十七見博山來禪
師掀倒禪座一衆駭然二十五往廬山謁憨大師二
十九叅天童悟和尚於吼山繼席黃蘗後住金粟移
天童徑山住福嚴凡五載殿堂寮舍百廢具興所著
有法語十四卷及五燈嚴統祖庭鉗錘錄漁樵錄掛
瓠集別集居士禪燈錄心經鬪輪解諸書

桐鄉縣

明潘爛頭前朱廟黃冠也有道術能呵致風雨往來濮川
有玩月者不禮潘潘於壁上畫月形以片紙粘之月
遂雲翳其人求潘去紙月皎如故嘗一日召天神至
至竟無事神以硃筆點其頭頭遂爛故人號爲潘爛
頭云

宋行昭紹興初出家密印寺謂唐僧三果嘗靜夜擊鐘墮
鬼趣者聞之皆脫苦念自睦寇以來罹兵火死者衆
非萬斤之鐘振雷霆之聲不能警昏夢於是募緣鑄
之三鑄不就乃易地再鑄萬人環繞金將躍冶昭誓

曰若無成吾委身爐中矣鐘果成比鄰張氏啓戶觀鑄見金甲人長數丈環衛鑄所

晋水青鎮密印寺僧宋慶曆間衍法華寶典天雨花高麗國花瓣刺晋水二字高麗遣僧統義天來傳宗旨并貢花上詔藏寺中起閣貯之至今有寶花閣

明道弘字竺隱吳江人年十三師密印寺慈雲學儒書戒行堅確洪武初舉高僧註楞伽等經召入陞僧錄司告老歸踟蹰而逝

極業號鐵菴洪武間青鎮寶塔寺僧嘗於靜夜
身人咸異之江湖禪學手印禮焉

樂庚辰夏辭衆脫化

元女僧古心名文鑑姓濮氏梧桐鄉人先世以貴雄於鄉十四歲卽斷葷穢禮廣福禪師爲嗣復授記於天目中峰本公卽於濮鎮建大刹請於朝勅賜福壽禪寺仍住持廣福寺至治庚午歸福壽坐化

國朝女僧德密梧桐鄉人夫故卽叅內典誦佛號一日遇名僧喝示曰念佛者誰爾試叅之密晝夜靜叅一時領悟年七十餘無病坐化死踰日鼻垂玉箸頂放白

曰若無成吾委身爐中矣鐘果成比鄰張氏啓戶觀
壽見全凡人長教之環行壽所

賡哥平才十斜無缺坐外天佩目鼻垂王善其效自

各會器示日念則香齋爾始察之密畫交精像一報

國時文會齋密器融人夫姑唱參內典誦勸讚一日愚

四卦甚觀融在至命與千福融壽坐外雲學儒壽成

中執本及唱效鄭龔數大條請效博煉眼融壽齋寺

十四意唱繼輩齋豐黃融融融融融融融融融融融融

云文會古必各文識致鄭天器融融人夫世以費融融融

樂夷灵夏翰眾銀山

成之江潮澤學

十四